

Broj: 01/1-19-Z/18  
Kakanj, 26.04.2018. godine

**Z A P I S N I K**

**sa 19. redovne sjednice Općinskog vijeća održane 26.04.2018. godine (četvrtak) u velikoj sali za  
sastanke Općinskog vijeća sa početkom u 9:00 sati  
(sažetak zapisnika)**

Nakon intoniranja himne Bosne i Hercegovine, 19. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne: općinske vijećnike i vijećnice, općinskog načelnika, pomoćnike općinskog načelnika, izvjestioce, obrađivače, predstavnike medija i goste.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bećirhodžić (naknadno pristupio), Aldin Šljivo, Edin Aliefendić, Mejrema Purišević, Muhamed Kubat, Senad Alajbegović, Izudin Hrusto, Haris Veispahić, Adnan Ibrahimspahić, Amar Selimović i Safet Šahman **(SDA)**

Semir Mušija (naknadno pristupio), Jasmin Mušanović, Rizah Haračić, Mirnes Merdić i Mugdin Gorak **(SBB BiH)**

Mirsad Tursum, Fahrudin Buza, Adisa Škulj i Zerina Kovač **(S BiH)**

Enes Piljug, Eldin Mijoč i Ahmed Begić **(SDP BiH)**

Nusret Muslić i Sedmedin Amidić **(DF)**

Slaven Katičić i Ivica Petrović **(HDZ BiH)**

Elvedin Delić (naknadno pristupio) **(A-SDA)**

Mujo Fafulić **(nacionalne manjine)**

**Odsutni vijećnici:** Rešad Merdić **(S BiH)**

Predsjedavajući je konstatirao da je na sjednici u momentu prijave prisutno 26 vijećnika i vijećnica te da su se stekli svi potrebni uvjeti za validan rad i odlučivanje Općinskog vijeća.

Pored vijećnika sjednici su prisustvovali:

**Nermin Mandra**, općinski načelnik

**Ferdo Mijač**, sekretar Općinskog vijeća

**Enver Kusić**, sekretar organa uprave

**Mirza Fazlić**, pomoćnik općinskog načelnika za privredu, urbanizam i zaštitu okoline

**Džihad Berbić**, pomoćnik općinskog načelnika za finansije

**Rešad Zaimović**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Nurčo Kurtović**, pomoćnik općinskog načelnika za imovinskopravne, geodetske poslove i katastar nekretnina

**Nurudin Hrusto**, pomoćnik općinskog načelnika za civilnu zaštitu

**Bahrudin Arnaut**, pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice – po ovlaštenju

**Zijad Neimarlija**, direktor Zavoda za planiranje i izgradnju općine Kakanj

### Izvjestioci, obrađivači, gosti

**Nisvet Trako**, predsjednik UO JU „Dom zdravlja“ Kakanj

**Ibrahim Aličković**, šef HES-a

### Predstavnici medija:

**NTV IC Kakanj**

„Naša riječ“

„Kaportal“

**Radio Kakanj**

„Kakanjlive“

„Klix portal“

„Kakanjske novine“

„Kakanj-x“

Kratka saopćenja o radu sjednice i prethodnim pitanjima:

Kolegij Općinskog vijeća je 19.04.2018. godine, održao 19. sjednicu na kojoj je razmatrao:

a) Informacija TE u vezi dopisa MZ Čatići od 23.02.2018. godine, broj: 005-10-23-08-18

Informaciju je Kolegij primio k znanju i istu prosljedio MZ Čatići.

b) Prijedlog za imenovanje člana Upravnog odbora JU „Dom zdravlja“ Kakanj

Kolegij nije postigao konsenzus da ovaj prijedlog uđe u dnevni red 19. sjednice Općinskog vijeća.

c) Inicijativa-imenovanje pješačke zone u ulici A. Izetbegovića „Šetalište 8. mart“

Kolegij je zauzeo stav da se u proceduru mijenjanja naziva ulica ne ide parcijalno, već da se nakon što se imenuje komisija za dodjelu naziva ulicama, ova inicijativa imenovanja razmotri skupa sa ostalim.

d) Odgovor Zavoda na Zaključak Kolegija Općinskog vijeća

Odgovor je primljen k znanju.

e) Zahtjev za donošenje odluke o gubljenju statusa javnog dobra

Zahtjev je prosljedjen Službi za imovinskopravne, geodetske poslove i katastar nekretnina na dalje postupanje i razmatranje.

f) Zahtjev Latifa Čizmića za rješavanje sistema odvoda i kanalizacije

Kolegij je zahtjev primio k znanju i izjasnio se da nije nadležan za ovo pitanje.

### Usvajanje zapisnika sa 18. sjednice Općinskog vijeća

Predsjedavajući je zapisnik sa 18. sjednice Općinskog vijeća stavio na razmatranje i pošto nije bilo prijavljenih za raspravu, zapisnik je usvojen sa 26 glasova za, bez glasova protiv i uzdržanih.

### Komentari na dostavljene odgovore na vijećnička pitanja:

**Enes Piljug:** je rekao da je zadovoljan odgovorom Službe za privredu u vezi smanjenja cijena građevinskih dozvola, ali da bi ipak trebalo smanjiti rente na stambene objekte. Što se tiče izgradnje puta prema mjestu Crnač, rekao je da je Zavod u svom odgovoru izostavio vremenski period u kojem bi isti trebao biti završen.

**Nusret Muslić:** je izrazio nezadovoljstvo zbog nedostavljanja odgovora Saveza udruženja boračkih populacija u vezi održanih sjednica Skupštine saveza.

**Rizah Haračić:** je rekao da nije zadovoljan odgovorom Službe za privredu u vezi bespravne sječe šume u mjestu Vrutci i dodao da bi trebalo poduzeti neophodne mjere da bi se to spriječilo.

**Mirza Fazlić:** je rekao da odgovor Službe za privredu nije bio upućen vijećniku nego Stručnoj službi za poslove Općinskog vijeća, kako bi se postavljeno vijećničko pitanje dostavilo nadležnim na rješavanje.

### Komentari na dostavljena mišljenja na vijećničke inicijative:

**Rizah Haračić:** je rekao da nije trebalo njegovu vijećničku inicijativa koja se odnosi na zamjenu lesonit ploča na krovovima zgrada i proizvodnih hala usmjeriti JP „Vodokom“, obzirom da je to preduzeće upravitelj zgrada. Ova inicijativa se odnosila na investicione radove na zamjeni krovova pokrivenih lesonit pločama za koje se zna da su kancerogene, te je tražio da se utvrdi koliko je takvih objekata i kolika sredstva su potrebna za realizaciju tog projekta, kako bi se vidjelo da li postoji mogućnost da se Općina uključi dijelom u projekat

zamjene istih, obzirom da se radi o nemalim investicionim ulaganjima.

**Enes Piljug:** je rekao da nije dobio odgovor na vječničku inicijativu oko umrežavanje odvoda i kanalizacija u mjestu Drijen, te je zamolio direktora Zavoda da usmeno odgovori.

**Zijad Neimarlija (odgovor):** je rekao da se predmetna inicijativa odnosi na stvari o kojima odluku donosi Općinsko vijeće, a radi se o sredstvima Kantonalnog ministarstva za vodoprivredu. Ta sredstva se troše po usvojenim programima od strane ovog Vijeća, a konkretni posao nije uvršten u program za ovu godinu.

#### **Vijećnička pitanja:**

**Sedmedin Amidić:** je postavio vijećničko pitanje u vezi odlaganja velikih količina životinjskog otpada na gradsku deponiju i tražio sankcionisanje onih koji vrše odlaganje na tom mjestu.

**Rizah Haračić:** je postavio dva vijećnička pitanja, da se omogući online prijenos sjednica Općinskog vijeća od strane NTV IC i Radio Kaknja i tražio pomoć za porodicu Ćerimović koja živi u teškim uslovima.

**Enes Piljug:** je postavio vijećničko pitanje u vezi putne komunikacije od Donjeg Kaknja do Kamenoloma.

**Općinski načelnik (odgovor):** je rekao da je Općina Kakanj dodijelila stan na korištenje porodici Ćerimović, te dodao da je po tom pitanju urađeno neophodno, a ako neko želi da im pomogne može pronaći način za to. Što se tiče putne komunikacije Donji Kakanj-Kamenolom, rekao je da postoje mnoga pitanja u vezi tog problema, počevši od onih koji su taj put kategorisali kao regionalni, pa do onih koji su tu Odluku stavili van snage. Također je rekao, da se nakon održane javne rasprave nije moglo dogovoriti sa RMU Kakanj i da još uvijek nije zaključen ugovor o koncesiji, što bi u skorije vrijeme trebalo biti realizovano. Dodao je da se stalo sa probijanjem te trase puta jer RMU Kakanj nije dao dozvolu TC Kakanj i Trgošpedu, koji su o svom trošku htjeli izvršiti probijanje trase. Spomenuo je i saobraćajni znak zabrane za kamione, koji je nelegalno postavljen na toj dionici puta, te dodao da će se protiv odgovornih lica voditi krivični postupak.

**Enes Piljug:** se zahvalio na odgovoru i pojašnjenjima u vezi postavljenog pitanja.

**Fahrudin Buza:** je postavio pitanje u vezi neprijatnog mirisa koji se osjeti u gradskoj zoni, a djeluje kao da se radi o spaljivanju plastike.

**Nusret Muslić:** je također postavio pitanje u vezi odlaganja animalnog otpada na gradskoj deponiji i drugim nelegalnim odlagalištima, te tražio od nadležnih općinskih službi angažman na otkrivanju počinitelaca i sankcionisanju istih.

**Amar Selimović:** je postavio vijećničko pitanje u vezi nadležnosti za čišćenje ulice 311. lahke brigade, te tražio informaciju kada će se obaviti čišćenje napunjenih šahtova i ostalog u navedenoj ulici.

#### **Vijećničke inicijative:**

**Sedmedin Amidić:** je uputio dvije vječničku inicijativu i to prema NTV IC Kakanj, da u skladu sa Zakonom o javnom informisanju obezbijedi prenos sjednica Općinskog vijeća, kao i da se prilikom emitovanja svakodnevnih vijesti obezbijedi prevod za gluhe i nagluhe osobe. Druga inicijativa je upućena Zavodu za planiranje i izgradnju da u ulici Rudi Čajavec izvrši sanaciju puta koji koriste stanovnici ove ulice, tačnije puta između baraka u pomenutoj ulici.

**Ahmed Begić:** je tražio da se Vijeće izjasni o njegove dvije vjećničke inicijative podnesene na prethodnoj sjednici Vijeća, a odnose se na rekonstrukciju nadvožnjaka u mjestu Doboj i ukorićenje potoka koji teče iz mjesta Koprivnica.

**Općinski načelnik:** je dao komentar na inicijative vjećnika Begića i tom prilikom podržao obe inicijative, te rekao da smatra da bi neophodno bilo ove stvari prepustiti struci, odnosno zatražiti da se pripreme stručni prijedlozi za tehničko rješenje projekata predloženih ovim inicijativama.

Predsjedavajući je stavio na glasanje predložne inicijative, koje je Vijeće jednoglasno usvojilo i konstatovao da se iste imaju dostaviti nadležnim službama na daljnje postupanje.

**Enes Piljug:** je podnio dvije vijećničke inicijative, prva se odnosi na zamjenu vodovodnih željeznih cijevi u mjestu Crnač u MZ Zgošća, a druga je prijedlog da se urade izmjene i dopune Odluke o građevinskom zemljištu u dijelu koji govori o cijeni građevinskih dozvola.

**Rizah Haračić:** je podnio dvije vijećničke inicijative, jedna je da se na lokalitetu Ponijera izgradi bolnica za plućne bolesti, a druga se odnosi na izgradnju javnog WC-a na lokalitetu koji se naziva Crna rijeka, u blizini BP „Hifa-Petrol“.

**Nusret Muslić:** je podnio vijećničku inicijativu da se izvrši dodjela prostora u vlasništvu Općine Kakanj Udruženju „Mali ljudi velikog srca“.

**Aldin Šljivo:** je podnio vijećničku inicijativu prema Općinskom vijeću Zavidovići, a odnosi se na promjenu naziva spomen obilježje „Popova luka“ u naziv „Luka šehida i boraca“.

### **Utvrđivanje dnevnog reda**

Predsjedavajući je predložio dnevni red koji je usaglašen na sjednici Kolegija 19.04.2018. godine. Vijećnici su uz materijale dobili i prijedlog odluke o uspostavljanju poduzetničke zone „Modrinje“ općina Kakanj. Također, vijećnicima je naknadno dostavljen i prijedlog odluke o davanju na korištenje poslovnog prostora Udruženju „Razvojni centar općine Kakanj“, prijedlog odluke o visini subvencioniranja troškova transporta komunalnog otpada iz udaljenih mjesnih zajednica, te Izvještaj o provedenom postupku za imenovanje dva člana OIK-a, kao obrazloženje uz prijedloge odluka o imenovanju članova OIK-a. Predsjedavajući je predložio da se navedene tačke uvrste u dnevni red.

U diskusiji su učestvovali: Rizah Haračić, Eldin Mijoč, Fahrudin Buza i Haris Veispahić.

**Rizah Haračić:** je zatražio da se Vijeće izjasni o prijedlogu za uvrštavanje u dnevni red tačke imenovanje VD člana UO JU „Dom zdravlja“ Kakanj, a sve shodno dopisu Kantonalnog ministra zdravstva.

**Eldin Mijoč:** je uputio apel da se ubuduće prilikom utvrđivanja naziva tačaka dnevnog reda povede računa o tačnom nazivu dokumenata koji se nalaze u materijalima za dnevni red, odnosno da se tačke dnevnog reda naslove u skladu s naslovima materijala za pojedine tačke.

**Fahrudin Buza:** je predložio da se tačke dnevnog reda, Izvještaj o radu JU „Dom zdravlja“ za 2017. godinu sa Izvještajem o materijalno-finansijskom poslovanju, zatim Prijedlog plana rada i razvoja JU „Dom zdravlja“ Kakanj za 2018. godinu i Izvještaj o zdravstvenom stanju stanovništva općine Kakanj za 2017. godinu, poredaju jedna iza druge i to na zahtjev izvjestitelja.

**Haris Veispahić:** je predložio da tačke koje su predložene i usaglašene na Kolegiju Općinskog vijeća imaju prednost u odnosu na tačke koje se naknadno uvrštavaju u dnevni red, odnosno sve koje naknadno dođu da budu među posljednjim, kako bi se vijećnicima ostavilo vremena da iste razmotre.

Usljedila je pauza u radu Vijeća u trajanju od 10' radi usaglašavanja dnevnog reda.

Predsjedavajući je predložio dnevni red po pozivu za 19. sjednicu, odnosno po usaglašenom prijedlogu dnevnog reda Kolegija Općinskog vijeća i predložio da se u dnevni red uvrste četiri nove tačke i to: Prijedlog odluke o uspostavljanju poduzetničke zone „Modrinje“ općina Kakanj, Prijedlog odluke o visini subvencioniranja troškova transporta komunalnog otpada iz udaljenih mjesnih zajednica, Prijedlog odluke o davanju na privremeno korištenje poslovnog prostora Udruženju „Razvojni centar općine Kakanj“ i Prijedlog rješenja o privremenom imenovanju člana UO JU „Dom zdravlja“ Kakanj.

U raspravi o predloženom dnevnom redu nije niko učestvovao te je Vijeće sa 23 glasa za, 5 glasova protiv i bez glasova uzdržanih usvojilo dnevni red za 19. sjednicu.

### **Usvojeni dnevni red:**

1. Prijedlog odluke o usvajanju izmjene i dopune Urbanističkog plana Kaknja 2011-2026 godine
2. Prijedlog odluke o uspostavljanju poduzetničke zone „Modrinje“ općina Kakanj
3. Prijedlog odluke o visini subvencioniranja troškova transporta komunalnog otpada iz udaljenih mjesnih zajednica
4. Prijedlog odluke o davanju na privremeno korištenje poslovnog prostora Udruženju „Razvojni centar općine Kakanj“
5. Prijedlog odluke o utvrđivanju javnog interesa u svrhu izgradnje kanalizacionog sistema MZ Haljinići
6. Prijedlog programa rasporeda sredstava za nevladine organizacije i udruženja građana za 2018. godinu
7. Izvještaj o poslovanju i radu za 2017. godinu JU „Kulturno sportski centar“ Kakanj sa finansijskim izvještajem za 2017. godinu JU „Kulturno sportski centar“ Kakanj
8. Prijedlog plana i programa JU Kulturno-sportski centar Kakanj sa finansijskim planom za 2018. godinu
9. Izvještaj o radu JU „Dom zdravlja“ Kakanj za 2017. godinu sa izvještajem o materijalno-finansijskom poslovanju
10. Prijedlog plana rada i razvoja JU „Dom zdravlja“ Kakanj za 2018. godinu
11. Izvještaj o izvršenju Budžeta Općine Kakanj za 2017. godinu
12. Izvještaj o realizaciji tekuće budžetske rezerve za 2017. godinu
13. Prijedlog odluke o imenovanju člana OIK-a
14. Prijedlog odluke o imenovanju člana OIK-a
15. Prijedlog rješenja o imenovanju Konkursne komisije za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj
16. Prijedlog rješenja o privremenom imenovanju člana UO JU „Dom zdravlja“ Kakanj
17. Izvještaj o zdravstvenom stanju stanovništva općine Kakanj za 2017. godinu i izvještaj o epidemijama za 2017. godinu
18. Izvještaj o radu Komisije za procjenu prometne vrijednosti nekretnina za period 01.04.2017. godine-27.03.2018. godine
19. Informacija o relizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu sa kriterijima i pozitivnim zakonskim propisima za 2017. godinu
20. Informacija o stanju u sportu na području općine Kakanj za 2017. godinu

### **Tačka 1.**

#### **Prijedlog odluke o usvajanju izmjene i dopune Urbanističkog plana Kaknja 2011-2026 godine**

Predlagač: Općinski načelnik

Obrađivač: Služba za privredu, urbanizam i zaštitu okoline

Stavovi i mišljenja: Komisija za Statut i propise, Komisija za ekologiju, Privredni savjet

Izvjestilac: Mirza Fazlić, pomoćnik općinskog načelnika

S obzirom da nije bilo prijavljenih diskutanata Vijeće je sa 28 glasova za, bez glasova protiv i uzdržan, donijelo Odluku o usvajanju izmjene i dopune Urbanističkog plana Kaknja 2011-2026 godine.

### **Tačka 2.**

#### **Prijedlog odluke o upostavljanju poduzetničke zone „Modrinje“ općina Kakanj**

Predlagač: Općinski načelnik

Obrađivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je donijelo Odluku o upostavljanju poduzetničke zone „Modrinje“ općina Kakanj sa 28 glasova za, bez glasova protiv i uzdržan.

### **Tačka 3.**

#### **Prijedlog odluke o visini subvencioniranja troškova transporta komunalnog otpada iz udaljenih mjesnih zajednica**

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je donijelo Odluku o visini subvencioniranja troškova transporta komunalnog otpada iz udaljenih mjesnih zajednica sa 29 glasova za, bez glasova protiv i uzdržan.

### **Tačka 4.**

#### **Prijedlog odluke o davanju na privremeno korištenje poslovnog prostora Udruženju „Razvojni centar općine Kakanj”**

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izjestilac: Nurčo Kurtović, pomoćnik općinskog načelnika

U diskusiji nije niko učestvovao i Vijeće je donijelo Odluku o davanju na privremeno korištenje poslovnog prostora Udruženju „Razvojni centar općine Kakanj” sa 28 glasova za, bez glasova protiv i uzdržan.

### **Tačka 5.**

#### **Prijedlog odluke o utvrđivanju javnog interesa u svrhu izgradnje kanalizacionog sistema MZ Haljinići**

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Stavovi i mišljenja: Komisija za Statut i propise, Privredni savjet

Izjestilac: Nurčo Kurtović, pomoćnik općinskog načelnika

U diskusiji nije niko učestvovao i Vijeće je donijelo Odluku o utvrđivanju javnog interesa u svrhu izgradnje kanalizacionog sistema MZ Haljinići sa 29 glasova za, bez glasova protiv i uzdržan.

### **Tačka 6.**

#### **Prijedlog programa rasporeda sredstava za nevladine organizacije i udruženja građana za 2018. godinu**

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Stavovi i mišljenja: Komisija za ljudska prava i ravnopravnost spolova, Komisija za mlade

Izjestilac: Rešad Zaimović, pomoćnik općinskog načelnika

U diskusiji nije niko učestvovao i Vijeće je donijelo Program rasporeda sredstava za nevladine organizacije i udruženja građana za 2018. godinu sa 29 glasova za, bez glasova protiv i uzdržan.

### **Tačka 7.**

#### **Izveštaj o poslovanju i radu za 2017. godinu JU „Kulturno sportski centar“ Kakanj sa finansijskim izvještajem za 2017. godinu JU „Kulturno-sportski centar“ Kakanj**

### **Tačka 8.**

#### **Prijedlog plana i programa JU „Kulturno-sportski centar“ Kakanj sa finansijskim planom za 2018. godinu**

Predlagač: UO JU „Kulturno-sportski centar“ Kakanj

Obrađivač: UO JU „Kulturno-sportski centar“ Kakanj

Stavovi i mišljenja: Komisija za budžet i finansije

Izvjestilac: Aldin Šljivo, direktor JU „Kulturno-sportski centar“ Kakanj i Aida Silajdžić, predsjednica UO JU

**Džihad Berbić:** je dao pojašnjenja i rekao da trezor ne isključuje izvještaje javnih ustanova kao budžetskih korisnika prema Vijeću, te da isti predstavlja centralizaciju plaćanja, knjigovodstva i ostalog. Također je rekao, da se izvještaji po završnom računu predaju AFIP-u, do kraja februara, te se dostavljaju zajedno sa svim aktima Službi za finansije i Službi za društvene djelatnosti kao i Komisiji za budžet. Dodao je da je Zakonom o finansijskom upravljanju i kontroli određeno da Služba za finansije vrši kontrolu svih transakcija plaćanja i akata budžetskih korisnika, pa tako i ove JU, te da je u Općini Kakanj trezor u fazi razvoja što ima za cilj uvođenje procedure regulisane zakonom.

U diskusiji nije niko učestvovao i Vijeće je Izvještaj o poslovanju i radu za 2017. godinu JU „Kulturno sportski centar“ Kakanj sa finansijskim izvještajem za 2017. godinu JU „Kulturno-sportski centar“ Kakanj prihvatilo sa 23 glasa za, niko protiv i 5 uzdržanih, kao i Plan i program JU „KSC“ Kakanj sa finansijskim planom za 2018. godinu, sa 23 glasa za, niko protiv i 5 uzdržanih.

### **Tačka 9.**

#### **Izvještaj o radu JU „Dom zdravlja“ Kakanj za 2017. godinu sa Izvještajem o materijalno-finansijskom poslovanju**

Predlagač: UO JU „Dom zdravlja“ Kakanj

Obrađivač: UO JU „Dom zdravlja“ Kakanj

Izvjestilac: Mirsad Tursum, direktor JU i Nisvet Trako, predsjednik UO JU

U diskusiji je učestvovao Nusret Muslić.

**Nusret Muslić:** je rekao da je u Domu zdravlja Kakanj problem sa zadržavanjem doktora na radnim mjestima, jer isti nakon određenog vremena idu na bolje mjesto ili odlaze van BiH, te je upitao šta se može učiniti da se to ne bi dešavalo. Dodao je da je ta pojava prisutna i u drugim općinama, jer sve veći broj doktora i medicinskog osoblja odlazi vani.

**Mirsad Tursum:** je rekao da je odlazak medicinskog kadra problem BiH, a što se tiče Doma zdravlja Kakanj, svi koji su završili medicinu mogu da rade ako žele, ali je mali broj osoba koje završavaju medicinu. Također je rekao, da mladi zapravo idu za bolje plaćenim radom što je ispravno, jer je u BiH mali prosjek plate za takva zvanja, a obzirom da su mladi obrazovani i poznaju svjetske jezike imaju otvoren put za odlazak vani, gdje mogu i napredovati. Što se tiče stalnog mijenjanja doktora u ordinacijama, rekao je da većina doktora imaju djecu koja često bivaju bolesna ili su sami doktori bolesni, zbog čega se vrši rotacija istih u ordinacijama. Što se tiče općine Kakanj rekao je da bi se pojava odlaska doktora mogla riješiti obezbjeđivanjem stanova sa niskim kirijama, zatim može se zahtijevati da se otvore novi odjeli, tražiti od Ministarstva i Zavoda da Domu zdravlja Kakanj dodijele poslove koji se tu mogu raditi, da bi se povećao prihod JU kao i zadržali doktori i medicinsko osoblje.

Nakon diskusije Vijeće je prihvatilo Izvještaj o radu JU „Dom zdravlja“ Kakanj za 2017. godinu sa Izvještajem o materijalno-finansijskom poslovanju sa 24 glasa za, bez glasova protiv i uzdržan, a vijećnik Mirsad Tursum se uzdržao od glasanja.

### **Tačka 10.**

#### **Prijedlog plana rada i razvoja JU „Dom zdravlja Kakanj“ za 2018. godinu**

Predlagač: UO JU „Dom zdravlja“ Kakanj

Obrađivač: UO JU „Dom zdravlja“ Kakanj

Izvjestilac: Mirsad Tursum, direktor JU i Nisvet Trako, predsjednik UO JU

U diskusiji je učestvovao Jasmin Mušanović i Rizah Haračić.

**Jasmin Mušanović:** je rekao da je evidentan trend smanjenja upisanih na medicinske fakultete što će se u idućim godinama odraziti na manjak radnika te struke, kao i u ostalim branšama. Što se tiče odlaska mladih, rekao je da bi trebalo nešto poduzeti po pitanju toga. Također je rekao da bi trebalo proširiti Službu hitne pomoći, jer je ista jako mala i neuslovna za pružanje pomoći, te je pozvao Načelnika i Vijeće da se u narednom periodu izdvoje sredstva za proširenje iste. Uputio je sugestiju direktoru Doma zdravlja da angažuje još jednog ljekara u Službi hitne medicinske pomoći, kako bi se poboljšao nivo pružanja medicinskih usluga sugrađanima.

**Mirsad Tursum:** je rekao da je problem u našem Domu zdravlja nepoštivanje postulata porodične medicine, što znači prije svega da se pacijenti moraju naručivati kod ljekara, osim u hitnim slučajevima. Zbog toga što se to pravilo ne poštuje dolazi do pojave stvaranja gužve u Službi hitne medicinske pomoći, te je dodao da je trenutno uzrok gužvi i problem sa informacionim sistemom koji doktori u radu koriste, koji nije dobar, a za koji je odgovoran Zavod zdravstvenog osiguranja. Što se tiče samih prostorija Hitne medicinske pomoći rekao je da su one neuslovne obzirom da su davno pravljene. Dom zdravlja u skladu sa svojim mogućnostima vrši stalna ulaganja u opremu i prostorije u svim službama, ali ne može bez pomoći Općine, Ministarstva i Vlade ZDK krenuti u gradnju novog objekta Hitne medicinske pomoći, te je istakao da u budućnosti treba uložiti maksimalne napore, kako bi se obezbjedila sredstva za tu namjenu.

**Rizah Haračić:** je rekao po pitanju gužvi u Službi hitne medicinske pomoći, da smatra da se iste javljaju zbog veoma kvalitetne usluge koja se pruža pacijentima u Hitnoj pomoći, te je skrenuo pažnju direktoru Doma zdravlja na pojavu da niže medicinsko osoblje odlučuje o hitnosti prijema pacijanata u ambulantama porodične medicine, koji su prethodno posjetili Službu hitne pomoći i iz koje su upućeni da se jave nadležnom ljekaru.

**Mirsad Tursum:** je dao pojašnjenje na navode vijećnika Haračića, te naglasio da bi Hitna pomoć još kvalitetnije radila kada bi se više poštivala pravila rada porodične medicine. Rekao je, da je on još prilikom preuzimanja funkcije direktora izdao naredbu da svi pacijenti moraju biti primljeni u ambulantama porodične medicine, bez obzira da li su naručeni, ali da pravila naručivanja treba poštovati zbog samih pacijenata, kako bi se izbjegle gužve, a i radi doktora kako bi pacijentima mogli pružiti bolju uslugu.

Vijeće je prihvatilo Plan rada i razvoja JU „Dom zdravlja“ Kakanj za 2018. godinu sa 25 glasova za, bez glasova protiv i uzdržan, a vijećnik Mirsad Tursum se uzdržao od glasanja.

#### **Tačka 11.**

**Izveštaj o izvršenju Budžeta Općine Kakanj za 2017. godinu**

#### **Tačka 12.**

**Izveštaj o realizaciji tekuće budžetske rezerve za 2017. godinu**

Predlagač: Općinski načelnik

Obrađivač: Služba za finansije

Stavovi i mišljenja: Komisija za budžet i finansije

Izvjestilac: Džihad Berbić, pomoćnik općinskog načelnika

U diskusiji nije niko učestvovao i Vijeće je sa 20 glasova za, 3 protiv i bez glasova uzdržan, prihvatilo Izveštaj o izvršenju Budžeta Općine Kakanj za 2017. godinu, a sa 21 glasom za, 3 protiv i bez glasova uzdržan Izveštaj o realizaciji tekuće budžetske rezerve za 2017.godinu.

#### **Tačka 13.**

**Prijedlog odluke o imenovanju člana OIK-a**

#### **Tačka 14.**

**Prijedlog odluke o imenovanju člana OIK-a**

Predlagač: Komisija za izbor i imenovanje

Obrađivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

U diskusiji je učestvovao Rizah Haračić.



**Edin Aliefendić:** je rekao da je Komisija za izbor i imenovanje provela kompletnu konkursnu proceduru u skladu s pozitivnim zakonskim propisima, te predložio Vijeću da se imunuju prve dvije kandidatkinje sa rang-liste.

**Rizah Haračić:** je rekao da neće podržati ovakvu odluku Komisije, jer smatra da konkursna procedura nije uredno provedena. Tačnije, smatra da četiri prijave nisu formalno ispravne, jer ne sadrže obrazac prijave na Konkurs, ali je naglasio da će u svakom slučaju konačnu riječ o svemu dati CIK BiH, koja vrši konačno imenovanje.

**Edin Aliefendić:** je pojasnio šta je zapravo u pitanju kad se govori o neurednoj dokumentaciji pojedinih kandidatkinja, te je rekao da je Komisija prilikom otvaranja koverata utvrdila da četiri kandidatkinje nisu priložile dokument „prijavu“, ali je odlukom većinom članova Komisije odlučeno da se te prijave kandidatkinja ne mogu odbaciti kao neuredne, iz razloga što obrazac „prijave“ nije bio propisan Konkursom, pa je samim činom podnošenja tražene dokumentacije svaki pojedini kandidat izvršio prijavljivanje na Konkurs.

**Rizah Haračić:** je ponovio da smatra da četiri prijave nisu trebale biti uzete u razmatranje, zbog nedostatka obrasca „prijave“, što je rekao i na samoj Komisiji i što je zapisnički konstatovano. Rekao je da te četiri kandidatkinje nije trebalo pozivati na intervju, ali da takvog mišljenja nisu bili ostali članovi Komisije, te on s toga ne podržava stav Komisije čiji je član, ali da će u svakom slučaju CIK dati ispravno tumačenje.

Vijeće je sa 17 glasova za, 8 protiv i niko uzdržan imenovalo Kristinu Šain za člana OIK-a.

Vijeće je sa 18 glasova za, 7 protiv i niko uzdržan imenovalo Almu Neimalija za člana OIK-a.

#### **Tačka 15.**

**Prijedlog rješenja o imenovanju Konkursne komisije za provođenje konkursne procedure za imenovanje direktora JU za predškolski odgoj i obrazovanje „Mladost“ Kakanj**

Predlagač: Komisija za izbor i imenovanje

Obrađivač: Stručna služba za poslove Općinskog vijeća

Izjestilac: Edin Aliefendić, predsjednik Komisije

**Edin Aliefendić:** je rekao da je u skladu sa Pravilima JU „Mladost“ Kakanj, izvršeno predlaganje dva člana Konkursne komisije od strane JU, a da Komisija za izbor i imenovanja predlaže Esmira Čobu, diplomiranog pravnika, za predsjednika Konkursne komisije iz reda osnivača.

U diskusiji nije niko učestvovao i Vijeće je donijelo Rješenje o imenovanju Konkursnu komisije u sastavu: Esmir Čobo – predsjednik, ispred osnivača, Suad Čeliković – član, ispred Vijeća roditelja i Šemsa Gadžun – član, ispred reda stručnog osoblja JU sa 21 glasom za, 4 protiv i bez glasova uzdržan.

#### **Tačka 16.**

**Prijedlog rješenja o privremenom imenovanju člana UO JU „Dom zdravlja“ Kakanj**

Predlagač: Komisija za izbor i imenovanje

Obrađivač: Stručna služba za poslove Općinskog vijeća

Izjestilac: Edin Aliefendić, predsjednik Komisije

**Edin Aliefendić:** je rekao da je dopisom Ministarstva zdravstva ZDK, koje trenutno provodi proceduru izbora za trećeg člana UO JU „Dom zdravlja“ Kakanj, predložen Haris Kozlo, te da Komisija predlaže istog kandidata za privremeno imenovanje do okončanja procedure po javnom oglasu, ali ne duže od 3 mjeseca.

Vijeće je sa 17 glasova za, 4 protiv i 3 uzdržan donijelo Rješenje o privremenom imenovanju Harisa Kozle za člana UO JU „Dom zdravlja“ Kakanj.

## **Tačka 17.**

### **Izveštaj o zdravstvenom stanju stanovništva općine Kakanj za 2017. godinu i Izveštaj o epidemijama za 2017. godinu**

Predlagač: UO JU „Dom zdravlja“ Kakanj

Obrađivač: UO JU „Dom zdravlja“ Kakanj

Stavovi i mišljenja: Zdravstveni savjet

Izjestilac: Mirsad Tursum, direktor JU i Ibrahim Aličković, šef HES-a

U diskusiji su učestvovali: Rizah Haračić, Slaven Katičić, Jasmin Mušanović i Haris Veispahić.

**Rizah Haračić:** je rekao da ovu tačku dnevnog reda smatra najbitnijom te da Izveštaj sadrži dobre preporuke. Također je rekao da je i ranije tražio informacije o broju oboljelih od karcinoma na području općine Kakanj, te da se nešto poduzme da bi se spriječila hipertenzija i ostala učestala oboljenja. Predložio je da se donese zaključak da se hitno djeluje po pitanju općeg zdravlja stanovništva.

**Slaven Katičić:** je upitao koji je tačan broj oboljelih od karcinoma, da li je 511 ili 300 osoba kako je navedeno u Izveštaju.

**Jasmin Mušanović:** je rekao da je zapaženo da određen broj pacijenata u Kaknju ima ehinokokne ciste kao i slučajeve odstranjivanja dijelova jetre zbog pojave pantljičare. Obzirom da navedena bolest vodi porijeklom od pasa i mački, predložio je da se vrši analiza stolice pasa radi sprječavanja širenja te vrste bolesti.

**Haris Veispahić:** je rekao da je navedeni Izveštaj svake godine isti, uz izmjenu nekih statističkih podataka. Zatim je dodao da bi trebalo izmijeniti koncept naziva akta koji bi trebao glasiti Izveštaj o poduzetim mjerama o zdravstvenom stanju stanovništva općine Kakanj i Izveštaj o epidemijama. Također je rekao da Općina Kakanj tokom godine uradi više stvari radi poboljšanja općeg zdravlja stanovništva. Napomenuo je i gužve koje su evidentne u službi Doma zdravlja gdje se vade nalazi. Dodao je da uz ove Izveštaje treba priložiti Izveštaje o zdravstvenom stanju vode koja je bitan faktor za zdravlje građana, kao i izvršiti inspeksijske kontrole prodaje proizvoda kojima je istekao rok.

**Ibrahim Aličković:** je rekao da se naziv Izveštaj kao takav usvaja na svim nivoima vlasti, te da ga nije moguće mijenjati, a što se tiče preporuka koje su uvijek popratni dio Izveštaju, rekao je da je iste potrebno operacionalizovati od strane nadležnih. Također je rekao, da bi u Izveštaj trebalo uvesti podatke o poduzetim mjerama na zaštiti zdravlja stanovništva, te da je neophodno izdvojiti sredstva za uzorkovanje vode, hrane i slično. Što se tiče broja oboljelih od malignih oboljenja, rekao je da je u općini Kakanj registrovano 300 oboljelih, a ehinoza je bolest koja se prenosi unošenjem klica prljavim rukama, te da takvih slučajeva nema zabilježenih u registru, s tim da se u registar upisuju samo osobe koje leže na odjelima. Istakao je problem pasa lotalica, jer se svake godine javljaju osobe sa ugrizom istih koji traže odgovorne za te pse i dodao da se nada da lokalna zajednica radi potrebne stvari na rješavanju tog problema.

**Haris Veispahić:** je dodao da bi u pravljenju ovakvog Izveštaja trebale učestvovati veće institucije, te dodao da se neke mjere za poboljšanje zdravlja građana već uvode, kao što je rješavanje problema pasa lotalica i uređenje vodovoda na području općine Kakanj. Također je dodao, da bi se trebala provjeriti mogućnost nabavke određene aparature za vađenje nalaza kako bi se smanjilo vrijeme čekanja na rezultate istih.

**Mirsad Tursum:** je rekao da se ovakvim putem građanstvo treba upoznati sa općim stanjem zdravlja u općini Kakanj, a da navedene preporuke zahtijevaju djelovanje Općine i ostalih institucija u provođenju istih. Što se tiče zdravstvenog stanja u Kaknju, rekao je da i nije tako loše bez obzira na brojne propuste. Kada se radi o riziko-faktorima, rekao je da najveći uticaj na loše zdravstveno stanje stanovništva ima stres, zatim socijalni i ekonomski status, loša ishrana, kao i genetski faktor. Također je rekao, da Dom zdravlja svakodnevno poduzima određene mjere kako bi se uticalo na svijest građana da pristupe besplatnim pregledima i na vrijeme otkriju eventualno oboljenje. Dodao je da je nabavljeno dosta aparata za vađenje nalaza, ali je neke od nalaza neophodno slati u KB Zenica, jer ista dobija sredstva od Ministarstva za vršenje analize istih, te da su gužve

ponedjeljkom u Domu zdravlja neizbježne. Također je rekao, da se trebaju poduzeti ozbiljne stvari kako bi se poboljšalo zdravstveno stanje građana u Kaknju za generacije koje dolaze.

**Rizah Haračić:** je pohvalio izlaganje doktora Tursuma, te dodao da bi Vijeće trebalo poduzeti nešto na popravljajući stanja u Domu zdravlja. Što se tiče podatka o broju oboljelih od karcinoma, rekao je da je to podatak iz Kantona, te da će detaljniji podaci uskoro biti objavljeni.

**Jasmin Mušanović:** je rekao da je podnosio inicijativu za kupovinu aparata za magnetnu rezonancu, ali da to nije kupljeno i dodao da se može nabavit barem CTG aparat. Zatim je pozvao Vijeće, Načelnika i privrednike, kao i ostale koji žele da izdvoje određen iznos sredstava za poboljšanje kvalitete života stanovnika u općini Kakanj, kako bi se kupili neophodni uređaji, čime bi se poboljšala svijest građana o njihovom zdravlju.

Izveštaj je sa predloženim preporukama prihvaćen sa 22 glasa za, bez glasova protiv i uzdržan, a Mirsad Tursum se uzdržao od glasanja.

### **Tačka 18.**

#### **Izveštaj o radu Komisije za procjenu prometne vrijednosti nekretnina za period 01.04.2017. godine-27.03.2018. godine**

Predlagač: Komisija za procjenu prometne vrijednosti nekretnina  
Obrađivač: Komisija za procjenu prometne vrijednosti nekretnina  
Izjestilac: Ševala Demir, predsjednica Komisije – najavila izostanak

U diskusiji nije niko učestvovao i Vijeće je sa 22 glasa za, bez glasova protiv i uzdržan, prihvatilo Izveštaj.

### **Tačka 19.**

#### **Informacija o relizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu sa kriterijima i pozitivnim zakonskim propisima za 2017. godinu**

Predlagač: Općinski načelnik  
Obrađivač: Služba za društvene djelatnosti, boračka pitanja, raseljena lica, izbjeglice i povratnike  
Izjestilac: Rešad Zaimović, pomoćnik općinskog načelnika

U diskusiji je učestvovao Nusret Muslić.

**Nusret Muslić:** je rekao da je iz ovog Izveštaja vidljivo da je malo sredstava koja Kakanj povlači sa federalnog nivoa, odnosno iz grantova za stambeno zbrinjavanje, zapošljavanje i samozapošljavanje boračke populacije. S toga je predložio da se uz ovu Informaciju usvoji i Zaključak kojim se zadužuje Služba za društvene djelatnosti, boračka pitanja, raseljena lica, izbjeglice i povratnike, da zajedno sa Savezom boračkih udruženja i drugim općinskim službama, uloži maksimalni angažman na obezbjeđenju finansijskih sredstava sa viših nivoa vlasti i to iz grantova predviđenih za stambeno zbrinjavanje (izgradnja stanova), sredstava za zapošljavanje i samozapošljavanje (zajednički projekti i projekti pojedinaca), boračkih populacija. Uz to je rekao, da bi se trebalo razmišljati o gradnji jedne ili više zgrada za boračku populaciju, u kojoj bi se stambeno mogli zbrinuti i doktori o kojima je ranije bilo riječi, kao i mladi bračni parovi.

**Rešad Zaimović:** je rekao da visina povučenih sredstava sa federalnog nivoa zavisi od aktivnosti boračke populacije, jer Ministarstvo za boračka pitanja svake godine raspisuje javni poziv za dodjelu tih sredstava, tako da Općina u tom pogledu ne može ništa poduzimati, a uz to odobrena sredstva sa tog nivoa se ne isplaćuju preko Službe za boračka pitanja, nego direktno na račun korisnika, tako da Služba nema podatke o korisnicima koji su relizovali sredstva sa federalnog nivoa. Što se tiče izgradnje zgrade, rekao je da bi inicijativa za isto trebala da krene od Udruženja, a što će Služba svakako podržati.

Vijeće je primilo k znanju Informaciju o relizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu sa kriterijima i pozitivnim zakonskim propisima za 2017. godinu sa 21 glasa za, bez glasova protiv i uzdržan.

Vijeće je predloženi Zaključak donijelo sa 23 glasa za, bez glasova protiv i uzdržan.

**Tačka 20.**

**Informacija o stanju u sportu na području općine Kakanj za 2017. godinu**

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izvestilac: Rešad Zaimović, pomoćnik općinskog načelnika

U diskusiji nije niko učestvovao i Informacija o stanju u sportu na području općine Kakanj za 2017. godinu je primljena k znanju sa 23 glasa za, bez glasova protiv i 1 glasom uzdržan.

Predsjedavajući je u ime Vijeća čestitao 1. maj – Praznik rada svim građanima općine Kakanj i zaključio sjednicu u 13:07 h.

**SEKRETAR  
OPĆINSKOG VIJEĆA**  
Ferdo Mijač

**PREDSJEDAVAJUĆI  
OPĆINSKOG VIJEĆA**  
Slaven Katičić